

## O D L U K E

### O ORGANIZOVANJU I FUNKCIONISANJU ZAŠTITE OD POŽARA I VATROGASTVA

#### I. OPĆE ODREDBE

##### Član 1.

Prava, obaveze i odgovornosti utvrđene ovom Odlukom odnose se na pravna i fizička lica, građane, organe uprave, vlasnike i zakupce stambenih, pomoćnih i industrijskih objekata, poljoprivrednog zemljišta.

##### Član 2.

Ovom Odlukom utvrđuju se mjere i postupci zaštite od požara na otvorenom poljoprivrednom i šumskom području, trasama elektroenergetskih vodova i trasama cestovnih i željezničkih komunikacija, te na javnim površinama i okućnicama u naseljima pri spaljivanju suhe trave, ostataka od usijeva, suhog žbunja, korova, rastinja i biljnih otpadaka u slučajevima kada bi propuštanje tih mjera nanijelo štetu poljoprivrednim i ratarskim kulturama, nasadima, vinogradima, voćnjacima, šumama, nadzemnim elektroenergetskim, komunikacijskim i plinskim instalacijama i uređajima, ogradama i zgradama od zapaljivog materijala i ugrozilo odvijanje cestovnog prometa stvaranjem dimnih zavjesa, te zabrana spaljivanja određenih vrsta predmeta; organizacija i funkcionisanje vatrogasnih jedinica, organizacija vatrogasnih intervencija, ovlaštenja za vršenje nadzora nad provođenjem odredbi ove odluke i kaznene odredbe.

##### Član 3.

Pojmovi koji se koriste u ovoj Odluci imaju slijedeća značenja:

- 1) **Sagorijevanje (gorenje)** je fizičko-hemijski proces spajanja zapaljive materije i oksidatora pri čemu se oslobađa toplota, emituje dim i gasovi sagorijevanja popraćeni plamenom ili vidljivom svjetlošću;
- 2) **Vatra** je kontrolirano samoodrživo sagorijevanje koje je namjerno izazvano da bi se stvorili korisni efekti, čije je širenje u prostoru i vremenu kontrolirano;
- 3) **Požar** je nekontrolirano, samoodrživo sagorijevanje koje se nekontrolirano širi u prostoru i vremenu;
- 4) **Eksplוזija** je iznenadna ekspanzija gasa koja može proizaći iz brze reakcije oksidacije ili raspada, sa ili bez porasta temperature i koja može dovesti do pojave požara;
- 5) **Zapaljive materije** su čvrste, tečne i gasovite materije koje se pale pod dejstvom izvora paljenja;
- 6) **Eksplוזivne materije** predstavljaju gasovite, tečne i čvrste hemijske materije, jedinjenja ili smjese koje se pod uticajem određenog implusa razlažu u veoma kratkom vremenskom intervalu, uz oslobađanje velike količine gasova i toplotne energije,
- 7) **Opasne materije** predstavljaju one materije koje u svim formama postojanja i svim uslovima korištenja svojim negativnim karakteristikama, kao što su: eksplozivnost, zapaljivost, korozivnost, otrovnost, radioaktivnost i dr., mogu biti uzročnik različitih štetnih dejstava i opasnosti po zdravlje ljudi, oštećenja ili uništenja materijalnih dobara usljed razarajućeg, termičkog ili fiziološkog dejstva, te ugrožavanje radne i životne sredine;
- 8) **Požarna opasnost** je mogućnost ozljede i/ili oštećenja kao posljedica požara;
- 9) **Požarna otpornost** je sposobnost objekta da ispuni, u definiranom periodu vremena zahtjeve otpornosti na požar i/ili integriteta i/ili termičke izolacije i/ili druge očekivane zahtjeve pri standardnom ispitivanju otpornosti na vatru;
- 10) **Rizik od požara** je proizvod vjerovatnoće pojave požara koja se može očekivati u datoj tehničkoj operaciji ili stanju posljedice ili obima šteta koje se mogu očekivati u slučaju pojave požara;

- 11) **Požarna sigurnost** je sigurnost kojom se vjerovatnoća nastanka požara svodi na minimum;
- 12) **Evakuacija** je organizirano izmiještanje ljudi i materijalnih dobara sa ugroženog prostora na prostor siguran od požara;
- 13) **Put za evakuaciju** je siguran put za samospasavanje ljudi iz objekata do izlaza i izvan objekta ili kroz drugi siguran objekat;
- 14) **Građevina** obuhvata stambene i druge zgrade i objekte, te prostore koji su navedeni u članu 20. Zakona o zaštiti od požara i vatrogastvu („Službene novine Federacije BiH“ broj: 64/09);
- 15) **Građevine za javnu upotrebu** su škole, obdaništa, studentski i đачki domovi, starački domovi, bolnice, hoteli, moteli, pansioni, tržni centri, tržnice, pozorišta, kino dvorane, sportske, koncertne i druge dvorane, stadioni, sale za konferencije, muzeji, aerodromi, željezničke i autobuske stanice, objekti kulturno-istorijskog naslijeđa i drugi objekti;
- 16) **Mjere zaštite od požara** su sve organizacijske, tehnološke i tehničke mjere koje smanjuju rizik od požara i povećavaju požarnu sigurnost;
- 17) **Preventivne mjere zaštite od požara** su sve preventivne organizacijske, građevinske i tehničko-tehnološke mjere koje smanjuju mogućnost za nastanak požara, a pri njegovom nastanku omogućavaju sigurnu evakuaciju ljudi i imovine i sprečavaju njegovo širenje;
- 18) **Aktivne (represivne) mjere zaštite od požara** su tehničke mjere koje podrazumjevaju primjenu sistema aktivne zaštite od požara;
- 19) **Sistem aktivne zaštite od požara** obuhvata instalacije, uređaje i opremu za automatsko otkrivanje, dojavu i gašenje požara, odvođenje dima i toplote iz požara, detekciju eksplozivnih gasova, rezervno snabdijevanje električnom energijom i drugo;
- 20) **Oprema, uređaji i druga sredstva za zaštitu od požara** su sva sredstva, uređaji i oprema koja se upotrebljavaju za sprečavanje i gašenje požara;
- 21) **Vlasnik imovine** je fizičko ili pravno lice, državni organ ili druga institucija sa zaštićenim najširim ovlaštenjem posjedovanja, korištenja i raspolaganja nekom stvari;
- 22) **Korisnik imovine** je fizičko ili pravno lice, državni organ ili druga institucija koji na osnovu ugovora koriste imovinu vlasnika sa preuzetom obavezom po pitanju zaštite od požara;
- 23) **Odgovorno lice za organiziranje zaštite od požara je:**
  - vlasnik, odnosno korisnik imovine kada se radi o privatnom vlasništvu;
  - rukovodilac organa uprave, upravne organizacije i drugog državnog organa Federacije, kantona, grada i općine ( u daljem tekstu: državni organi);
  - direktor odnosno drugo lice odgovorno lice u privrednom društvu i drugom pravnom licu (u daljem tekstu: pravno lice), određeno općim aktom pravnog lica;
- 24) **Edukacija** je naučno zasnovani, planski i organizirani proces koji se izvodi pod rukovodstvom nastavnika (predavača) uz aktivno učešće polaznika nastave;
- 25) **Akcident** je nezgoda, nesreća, namjerno ili nenamjerno izazvana, od čijih posljedica može stradati veći broj ljudi, nastati materijalna šteta, štetne posljedice po okoliš i dr;
- 26) **Promet zapaljivih, eksplozivnih i drugih opasnih materija i opasnih proizvoda** podrazumjeva nabavku, distribuciju, smještaj, prodaju i upotrebu u skladištima, priručnim skladištima i prodavnicama;
- 27) **Zaposleno lice** podrazumjeva zaposlenike u pravnim licima i drugim institucijama, kao i državne službenike i namještenike u organima državne službe Federacije, kantona, općine i grada;
- 28) **Javni vatromet** je korištenje pirotehničkih sredstava pri čemu se stvara zvučni i/ili svjetlosni efekt, a može se koristiti između ostalog i za scenske efekte te efekte na filmu;

#### Član 4.

Niko nema pravo da svojim postupcima i materijalnim dobrima, neprovođenjem mjera zaštite od požara propisanih Zakonom, ovom Odlukom i drugim propisima, dovodi u opasnost od požara tuđi život i zdravlje i materijalna dobra.

#### Član 5.

Poslovi zaštite od požara i vatrogastva su od općeg interesa za općinu Konjic.

## II – MJERE ZAŠTITE OD POŽARA

### Član 6.

Zaštitu od požara dužni su da organizuju i provode vlasnici i korisnici imovine u skladu sa Zakonom, ovom Odlukom, Planom zaštite od požara općine Konjic i drugim propisima iz oblasti zaštite od požara.

#### a) Vatrogasni putevi i prilazi

### Član 7.

Izvođač radova na popravci, rekonstrukciji ili prekopavanju javnih ili drugih vatrogasnih pristupa je dužan da najkasnije 24 sata prije početka radova, pismeno obavijesti Službi civilne zaštite i vatrogastva Općine Konjic o planiranim radovima.

Pismeno obavještenje iz prethodnog stava obavezno sadrži:

- Podatke o podnosiocu obavještenja,
- Podatke o tačnom datumu početka radova na prekopavanju,
- Vrijeme trajanja prekida komunikacije,
- Tačan datum i sat završetka radova i omogućavanje prohodnosti.

#### b) Paljenje vatre na otvorenom prostoru

### Član 8.

Spaljivanjem na otvorenom prostoru u smislu ove Odluke smatra se upotreba vatre izvan zatvorenih, odnosno pokrivenih prostora, a posebno:

- Spaljivanje suhe trave, korova, biljnog otpada-grmlja, gustog šumskog rastiinja (šiblja) i šikara,
- Spaljivanje papira, smeća i otpadaka,
- Spaljivanje predmeta od gume, plastike, kože, prerađevina od ulja, maziva, tekstila,
- Spaljivanje otpada na bazi hemijskih spojeva koji na bilo koji način utiču na onečišćenje okoliša.

Svako spaljivanje u smislu ove Odluke, bez pismenog odobrenja nadležne Službe za civilnu zaštitu i vatrogastvo Općine Konjic biti će kažnjivo prema kaznenim odredbama člana 66, 67. ove Odluke, a za ostale nepredviđene situacije, primjenjivati će se i drugi pozitivni zakonski propisi, shodno vrsti počinjenog djela.

### Član 9.

Zabranjeno je bacanje zapaljenih šibica, opušaka kao i drugih zapaljivih materija na otvorene površine, osim na mjestima koja utvrdi pravna osoba koja gospodari ili upravlja otvorenim prostorom.

### Član 10.

Zaštitu od požara u šumama, na šumskom i poljoprivrednom zemljištu dužni su provoditi i vlasnici, korisnici, pravna i fizička lica koja čiste vegetaciju na kanalima, ispod trasa elektroenergetskih vodova, na trasama putnih i željezničkih komunikacija, te na otvorenom prostoru javnih površina i okućnica u naseljima.

### Član 11.

Nositelji prava gospodarenja šumama i šumskim zemljištem imaju obavezu do početka požarne sezone o uočenim nedostacima na prohodnosti protivpožarnih prosjeka i puteva, kao i prohodnosti prosjeka sa elementima šumskog puta za vatrogasna vozila izvijestiti Službu za civilnu zaštitu i vatrogastvo Općine Konjic.

### Član 12.

Zabranjeno je spaljivanje u neposrednoj blizini ruba šume odnosno 150 metara od šume, 50 metara od zgrade, te u trasama elektroenergetskih vodova.

U šumi, na šumskom zemljištu kao i na zemljištu u neposrednoj blizini šume, može se vršiti spaljivanje i paliti biljni otpad samo na odgovarajućim mjestima, pismenom odobrenju i uz preduzimanje

odgovarajućih mjera opreza kao što ih odredi pravna osoba koja gospodari šumom i šumskim zemljištem.

#### Član 13.

Spaljivanjem, izgaranje gorivih tvari i širenje dima ne smije da ugrožava susjedne ratarske kulture, usjeve, nasade, vinograde, voćnjake, te odvijanje cestovnog prometa stvaranjem dimne zavjese. Da šteti zdravlju ljudi u naseljenim mjestima i kvalitetu života.

#### Član 14.

Tokom godine, prije i nakon završene žetve, uništavanja suhe trave, korova, rastinja i biljnih otpadaka može se obaviti kontrolisano spaljivanje uz prisustvo potrebnog broja osoba sa sredstvima i opremom za početno gašenje požara, isključivo danju i po mirnom vremenu bez vjetera, uz dobiveno pismeno odobrenje Službe za civilnu zaštitu i vatrogastvo Općine Konjic i poduzimanje mjera za zaštitu od požara na otvorenom prostoru.

#### Član 15.

Građani, pravna i fizička lica, vlasnici odnosno korisnici poljoprivrednog i drugog zemljišta, spaljivanja suhe trave, suhog žbunja, ostataka od usijeva i ostalog biljnog otpada uz dobiveno pismeno odobrenje Službe za civilnu zaštitu i vatrogastvo Općine Konjic poduzeti odgovarajuće mjere opreza, osigurati odgovarajuća sredstva, te poduzeti mjere zaštite u skladu sa propisima zaštite od požara, a naročito:

- izvršiti pismenu prijavu za spaljivanje u skladu sa odredbama ove Odluke,
- spaljivanje obaviti tokom dana za mirnog vremena bez vjetera i povišenog pritiska,
- osigurati da suhe trave, suho žbunje, ostaci od usijeva i drugi biljni otpad, zavisno o količini i zapaljivosti bude dovoljno udaljen od drugih objekata ili površina sa zapaljivim tvarima,
- na poljoprivrednom zemljištu paliti suhu travu, suho žbunje, ostatke od usijeva i ostali biljni otpad, te ložiti vatru samo na odgovarajućim mjestima i uz preduzimanje odgovarajućih mjera opreza,
- osigurati spaljivanje ostataka bilja nakon žetve, odnosno berbe, te drugog lako zapaljivog biljnog otpada na poljoprivrednom zemljištu odvajanjem od susjednog zemljišta preoravanjem pojasa širine najmanje tri (3) metra,
- stalno neposredno nadzirati spaljivanje sve do potpunog gašenja vatre na cijeloj zapaljenoj površini,
- tokom spaljivanja osigurati potrebni broj lica, odgovarajuću opremu i sredstva za zaštitu od požara, ovisno o obimu i vrsti otpada koji se spaljuje,
- lica koja su obavila spaljivanje dužna su mjesto spaljivanja pregledati i ostatke vatre (žar i sl.) u potpunosti ugasiti,
- preduzeti i druge mjere za zaštitu i sprečavanje mogućnosti širenja požara na susjedne površine.

#### Član 16.

Lica iz stava 1. prethodnog člana ove Odluke dužni su prije spaljivanja biljnih i drugih tvari u većem obimu i na većim površinama, kojim bi se mogle ugroziti druge površine ili objekti (industrijske građevine, postrojenja, stambeni, gospodarski i drugi objekti, električni i telefonski stubovi i vodovi, saobraćajnice, poljoprivredne i šumske površine i sl.) dobiti pismeno odobrenje od Službe za civilnu zaštitu i vatrogastvo Općine Konjic.

Pismeni zahtjev treba sadržavati slijedeće podatke:

- obrazložiti razlog spaljivanja,
- ko obavlja spaljivanje,
- vrijeme i mjesto spaljivanja,
- naziv i veličine površine spaljivanja,
- broj osoba koje će obavljati spaljivanje,
- vrsta biljnog otpada koji se spaljuje,
- preventivne mjere zaštite od požara koje će se preduzeti pri spaljivanju,
- oprema za gašenje požara.

#### Član 17.

Služba za civilnu zaštitu i vatrogastvo Općine Konjic odobrit će spaljivanje samo pod opravdanim okolnostima, ako se ne može primjenom drugih agrotehničkih mjera završno očistiti.

Služba za civilnu zaštitu i vatrogastvo Općine Konjic odobrit će spaljivanje podnosiocu zahtjeva uz uslov da provede odgovarajuće preventivne mjere zaštite, da se vatra ne bi proširila na druge površine ili objekte.

Služba za civilnu zaštitu i vatrogastvo Općine Konjic kojoj se podnosi prijava zabraniti će spaljivanje biljnog ili drugog otpada ukoliko nisu ispunjeni svi uslovi za spaljivanje i preduzete odgovarajuće mjere zaštite od požara utvrđene ovom Odlukom, te će upoznati podnositelja prijave s razlozima zabrane, a naručiti ako se:

- spaljivanje tvari vrši na nesigurnoj udaljenosti od drugih površina (npr. šuma i dr.) i objekata (npr. elektroenergetskih vodova, cesta, stambenih kuća, restorana i dr.) koje bi vatra mogla ugroziti,
- oko mjesta spaljivanja nije pripremljen sigurnosni pojas (očišćeno okolno zemljište, zavisno o količini tvari i veličini površine koja se pali, osigurati prisustvo dovoljnog broja osoba sposobnih za gašenje požara),
- uz mjesto spaljivanja nisu osigurana odgovarajuća priručna sredstva za gašenje ostataka vatre (žar i sl.) i proširenje vatre (voda, lopata, metlarica i sl.),
- spaljivanje provodi u vrijeme kada je utvrđena velika ili vrlo velika opasnost za nastajanje i širenje požara,
- ako puše vjetar brzine 5 m/s ili više.

#### Član 18.

Služba za civilnu zaštitu i vatrogastvo Općine Konjic daje pismeno odobrenje za spaljivanje materija, zavisno o procjeni opasnosti nastanka požara u skladu sa raspoloživim podacima o namjeravanom spaljivanju na otvorenom prostoru.

Obrazac pismenog zahtjeva shodno članu 16. stav 2. ove Odluke kao i pismenog odobrenja za spaljivanje na otvorenom prostoru će sačiniti Služba za civilnu zaštitu i vatrogastvo Općine Konjic. Obrazac pismenog zahtjeva će biti dostupan na službenoj stranici i prijemnoj kancelariji organa uprave Općine Konjic.

Prijava zahtjeva za spaljivanje može se dostaviti Službi za civilnu zaštitu i vatrogastvo Općine Konjic i elektronskim načinom putem e-maila i faxes, popunjavanjem traženih podataka iz pismenog zahtjeva koji će biti dostupan na službenoj stranici organa uprave Općine Konjic.

#### Član 19.

Služba za civilnu zaštitu i vatrogastvo Općine Konjic podatke o podnesenim pisanim zahtjevima za odobrenje spaljivanja uredno unosi u odgovarajuću knjigu evidencije, koja sadrži:

- podatke o tražitelju odobrenja (ime, ime oca, prezime, datum rođenja, adresa stanovanja i broj telefona) i podatke o satnici dojave zahtjeva,
- podatke o vremenu i mjestu spaljivanja,
- naziv i veličinu površine spaljivanja, te opis tvari koja će se spaljivati,
- preventivne mjere koje tražitelj odobrenja namjerava provesti za vrijeme spaljivanja,
- lične podatke o licima koje će obaviti spaljivanje,
- podatke da li je izdato pismeno odobrenje ili zabrana.

#### Član 20.

Osobe koje su obavile spaljivanje, dužne su ugasi vatra na otvorenom prostoru i pregledati ostatke vatre prebacivanjem pepela, polijevanjem vode i primjenom drugih sredstava za gašenje, dok se vatra ne ugasi u potpunosti i tek nakon toga napustiti mjesto paljenja.

#### **Član 21.**

Licima navedenim u članu 1. ove Odluke zabranjuje se spaljivanje predmeta od gume, plastike, kože, prerađevina od ulja, maziva, te otpada na bazi hemijskih spojeva koji na bilo koji način utiču ili mogu uticati na zagađenje okoliša i zdravlje ljudi.

#### **Član 22.**

Pred žetvu, za vrijeme žetve i vršidbe, kao i spremanja stočne hrane, obavezno je preduzeti posebne mjere zaštite od požara i to:

- zabraniti loženje vatre tamo gdje prijete opasnost od izbijanja požara,
- obezbijediti sredstva za gašenje požara,
- obezbijediti protivpožarne prepreke (preoravanje),
- po potrebi organizovati dežurstvo,

#### **Član 23.**

Uređaji za vršidbu (kombajni i vršilice) moraju biti tehnički ispravni, obezbijedjeni sa najmanje jednim (1) S-9 aparatom za gašenje požara.

#### **Član 24.**

Stočna hrana (plastovi sijena, slame i sl.) ne smiju se uskladištavati na udaljenosti manjoj od 15 metara od objekta u kojima se loži vatra, električnih vodova i javnih puteva, od željezničkih pruga najmanje 50 metara, a od drugih objekata najmanje 20 metara.

Veća skladišta stočne hrane moraju biti udaljena od navedenih objekata najmanje 50 metara.

#### **Član 25.**

Izuzetno, vatrogasna jedinica može vršiti kontrolisanu simulaciju požara pod bilo kojim uslovima ili periodu za potrebe vršenja vatrogasnih obuka i vježbi, a u skladu sa sačinjenim elaboratima i planovima.

#### **c) Vatrogasno dežurstvo**

#### **Član 26.**

Na mjestima i prostorima gdje se okuplja više od 200 posjetilaca zbog manifestacija (sportske, privredne, zabavne i druge manifestacije), mora se izraditi plan preventivnog osiguranja od požara.

Plan preventivnog osiguranja od požara dužna su sačiniti i lica koja organiziraju vatromet.

Plan iz stava 1. i 2. ovog člana dužan je da sačini i provede organizator manifestacije.

Organ nadležan za izdavanje odobrenja za organizaciju skupova ili vatrometa neće izdati odobrenje za održavanje skupova ukoliko organizator nije sačinio Plan iz stava 1. i 2. i priložio dokaz da je jedan primjerak Plana dostavio Službi za civilnu zaštitu i vatrogastvo Općine Konjic.

#### **d) Hidrantska mreža**

#### **Član 27.**

Sva lica koja upravljaju vodovodima su obavezna, tamo gdje postoji instalirana vodovodna mreža sa adekvatnom količinom vode, obavezno na pristupačnom mjestu za vatrogasno vozilo, izgraditi vanjsku hidrantsku mrežu (hidrant) u skladu sa pravilima struke.

#### **Član 28.**

Vlasnici, korisnici i upravitelj hidrantske mreže imaju sljedeće obaveze:

- da hidrantsku mrežu stalno održavaju u ispravnom stanju,
- da po izvršenoj kontroli hidrantske mreže od strane ovlaštenih stručnih lica za vršenje tih poslova, dostavi jedan primjerak odgovarajućeg Zapisnika, Službi za civilnu zaštitu i vatrogastvo Općine Konjic,
- da vode evidenciju o izvršenim pregledima hidrantskih mreža,
- da posjeduju dokumentaciju kojom je potvrđena ispravnost hidrantskih mreža,
- o svim promjenama pismeno obavještavaju Službu za civilnu zaštitu i vatrogastvo Općine Konjic.

#### **Član 29.**

Gradski podzemni hidranti koji se nalaze na saobraćajnim i pješačkim površinama moraju se označiti i horizontalnom signalizacijom koja će vozače jasno upoznati da se radi o podzemnom hidrantu i da je na tom prostoru parkiranje zabranjeno.

Podzemni hidranti u krugu pravnih lica i organa, umjesto horizontalne signalizacije mogu biti označeni odgovarajućem tablom sa natpisom ili znakom za hidrant.

#### **Član 30.**

Zabranjeno je parkiranje vozila ili zakrčavanje na neki drugi način prostora oko obilježenih vanjskih (podzemnih ili nadzemnih) hidranata u poluprečniku od 5 metara.

#### **e) Pripravnost/spremnost**

##### **Član 31.**

Vlasnici i korisnici objekata (stambeni, javni, industrijski) dužni su da obezbijede i omoguće sigurnu evakuaciju iz požarnih sektora u slučaju da dođe do požara.

Putevi za evakuaciju moraju imati dovoljnu propusnost, panik rasvjetu i odgovarajuće usmjeravajuće oznake, te na siguran način biti zaštićeni od vatre i dima.

##### **Član 32.**

Vlasnici, korisnici objekata (stambenih, javnih, industrijskih) obavezni su da sačine Plan evakuacije za slučaj požara.

##### **Član 33.**

Javne ustanove (škole, domovi zdravlja, obdaništa), pravna lica sa preko 50 (pedeset) zaposlenika u jednoj smjeni u zatvorenom prostoru su obavezni da 1 (jednom) godišnje organizuju praktičnu vježbu po planu za evakuaciju.

Lica iz prethodnog stava su dužna, da o vremenu održavanja vježbe evakuacije pismeno obavijeste Službu za civilnu zaštitu i vatrogastvo Općine Konjic.

#### **f) Skladištenje i odlaganje zapaljivih, eksplozivnih materija**

##### **Član 34.**

U prostoru od 10 metara od stambenih, poslovnih i javnih objekata nije dozvoljena izgradnja ili postavljanje bilo kakvih pomoćnih objekata od zapaljivog materijala.

##### **Član 35.**

Prozori i drugi otvori podrumskih prostorija stambenih, poslovnih i javnih objekata moraju na adekvatan način biti obezbijeđeni u cilju onemogućavanja ubacivanja predmeta i stvari kojima se može izazvati požar.

##### **Član 36.**

Sva pravna lica, ustanove i državni organi dužni su jednom u tri godine da organizuju pregled i ispitivanja ispravnosti onih električnih instalacija i uređaja čiji periodični pregled i ispitivanje nisu propisani drugim zakonom ili propisom.

O izvršenim pregledima se mora voditi odgovarajuća dokumentacija.

#### **g) Vatromet**

##### **Član 37.**

Zabranjeno je organiziranje i izvođenje vatrometa u vrijeme kada je proglašena velika ili vrlo velika opasnost od požara.

##### **Član 38.**

Radi sigurnosti i povećane buke vatrometi se ne smiju izvoditi u blizini bolnica, staračkih domova, magistralnih puteva, dalekovoda, transformatorskih stanica i drugih izvora elektromagnetskih zračenja te objekata s lakozapaljivim materijama (benzinske pumpe, skladišta plina i sl.). Vatrometi se ne smiju izvoditi niti u blizini Doma zdravlja, škola, vrtića i vjerskih objekata kada se u njima odvija rad, osim u slučaju kada vlasnici, odnosno korisnici tih objekata daju pisanu saglasnost za izvođenje javnog vatrometa. Udaljenost mjesta aktiviranja (paljenja) javnog vatrometa od objekata iz stava 1. ovog člana, mora biti najmanje 3 (tri) puta veća od sigurnosne udaljenosti.

#### **Član 39.**

Pri izvođenju javnog vatrometa potrebno je osigurati dežurstvo osobe koja je osposobljena za gašenje početnih požara, s 2 (dva) aparata za početno gašenje požara tipa S-9 i osobe osposobljene za pružanje prve pomoći s kompletom za pružanje prve pomoći. Tijelo koje izdaje odobrenje za mjesto i vrijeme izvođenja javnog vatrometa može odrediti i druge mjere sigurnosti (vatrogasno dežurstvo, dežurstvo hitne medicinske pomoći i slično).

#### **h) Ostale preventivne mjere**

#### **Član 40.**

Radove zavarivanja, rezanja, lemljenja i drugih radova sa otvorenim plamenom, moraju se u zoni rada preduzeti sljedeće mjere:

- ukloniti sve lako zapaljive materije u pojasu od 10 metara, a ako to nije moguće, onda se taj materijal mora pokriti negorivim pokrivačem ili zaštititi negorivim paravanima i zavjesama;
- svi otvori i pukotine u zoni rada moraju se prekriti kako bi se spriječio prolaz varnica kroz te otvore;
- obezbijediti efikasnu ventilaciju u zoni rada, a po potrebi predventilaciju prije početka rada;
- u zoni rada držati u pripravnosti hidrante i odgovarajuće protivpožarne aparate, te po potrebi obezbijediti stalno dežurstvo vatrogasaca;
- zona rada se mora kontrolisati i poslije završenih radova.

#### **Član 42.**

Radove zavarivanja, rezanja, lemljenja i drugih radova sa otvorenim plamenom mogu obavljati samo radnici koji su stručno osposobljeni za tu vrstu poslova, a uređaji za obavljanje tih poslova moraju biti potpuno ispravni.

#### **Član 43.**

Peći i drugi uređaji za zagrijavanje sa otvorenim plamenom ili žarom, moraju uvijek biti ispravni i stručno instalirani prema uputstvu proizvođača, te postavljeni na podlogu od nezapaljivog materijala koja mora prelaziti najmanje 40 cm ispred i po 25 cm, sa bočne strane peći ili uređaja. Ispod uređaja za zagrijavanje i u njegovoj blizini ne smiju se nalaziti zapaljivi materijali. Prema potrebi, prenos toplote na zapaljive materijale mora se onemogućiti postavljanjem zaštitnih pregrada od negorivog materijala.

#### **Član 44.**

Dimovodne cijevi moraju biti sigurno uklopljene i uvedene u dimnjak kroz rozetnu.

Rastojanje dimovodnih cijevi od drvenih i drugih gorivih konstrukcija i materijala ne smije biti manje od 25 cm.

Provođenje dimovodnih cijevi kroz plafone (stropove) i krovne konstrukcije, prozorska okna i spoljnje zidove nije dozvoljeno.

#### **Član 45.**

Dimnjaci treba da su udaljeni najmanje 15 cm od zapaljivih elemenata stropnih i krovnih konstrukcija, omalterisani unutar objekta, a iznad krova fugovani.



Vrata na dimnjacima moraju biti od vatrootpornog materijala, ispravna i stalno zatvorena, a u njihovoj blizini se ne smiju držati zapaljivi materijali.  
Na dimnjacima koji se ne upotrebljavaju moraju otvori biti zatvoreni slijepom rozetnom ili vatrootpornim materijalom.

#### Član 46.

Po završenom radnom vremenu, peći i drugi uređaji za zagrijavanje sa otvorenim plamenom ili žarom, moraju se ugasiti, odnosno isključiti, ukoliko uputstvom proizvođača nije drugačije predviđeno. Pepee i drugi ostaci moraju se sigurno pogasiti i staviti u metalnu posudu sa poklopcem. Ove posude se ne smiju držati u blizini zapaljivih materijala.

#### Član 47.

Zapaljivi tehnoloških otpaci i smeće moraju se uklanjati iz radnog kruga preduzeća, drugih pravnih lica i državnih organa.

#### Član 48.

U pojasu od 15 metara od stambenih i 5 metara od ostalih objekata, ne smiju se držati bilo kakve zapaljive i opasne materije, kao i njihovi otpaci.

#### Član 49.

Spaljivanje smeća i tehnoloških otpadaka, može se vršiti samo u posebnim pećima namijenjenim i odobrenim za te svrhe.  
Nije dozvoljeno vršiti spaljivanje smeća i tehnoloških otpadaka na javnim površinama, posudama za smeće i u radnim prostorijama preduzeća, drugih pravnih lica i organa.  
Izuzetno, spaljivanje tehnoloških otpadaka na otvorenom prostoru može se vršiti samo uz predhodno odobrenje Službe za civilnu zaštitu i vatrogastvo Općine Konjic i preduzimanje odgovarajućih mjera zaštite od požara.

#### Član 50.

Šljaka i pepeo iz industrijskih i drugih kotlovnica i ložišnih uređaja domaćinstava mogu se odlagati samo na posebnim, za tu svrhu uređenom mjestu (posude za smeće – kante i kontejneri, jame i deponije), uz predhodno sigurno gašenje vodom.

#### Član 51.

U tavanskim prostorima, podrumima, hodnicima, stepeništima i drugim sličnim prostorima, nije dozvoljeno nepropisno odlaganje i držanje bilo kakvih lako zapaljivih, eksplozivnih i opasnih materija.

#### Član 52.

Općinski načelnik na prijedlog Službe za civilnu zaštitu i vatrogastvo Općine Konjic, svojom odlukom proglašava umjerenu, veliku i vrlo veliku opasnost za nastajanje i širenje požara.  
Služba za civilnu zaštitu i vatrogastvo Općine Konjic je dužna redovno obavještavati građane o postojanju opasnosti za nastajanje i širenje požara putem radijskih, televizijskih i novinskih sredstava javnog informisanja.

#### Član 53.

Služba za civilnu zaštitu i vatrogastvo Općine Konjic ostvaruje odgovarajuću saradnju sa organom Uprave nadležnim za statistiku, naučnim institutima, fakultetima i drugim naučnim ustanovama u cilju vršenja naučno-istraživačkih projekata istraživanja, radi unapređenja sistema zaštite i spašavanja.

### III – ORGANIZACIJA I FUNKCIONISANJE VATROGASTVA

#### a) Organizacija vatrogastva

#### Član 54.

Vatrogastvo je obavezna javna služba čije trajno i neometano obavljanje osigurava Općina Konjic, kroz poslove i nadležnosti Službe za civilnu zaštitu i vatrogastvo Općine Konjic.

#### Član 55.

1. Osnovne snage za obavljanje vatrogasne djelatnosti na području općine Konjic su:
  - Profesionalna vatrogasna jedinica Općine Konjic;
2. Dopunske snage za vatrogastvo na području općine Konjic su:
  - Vatrogasna jedinica Šumarstva „Prenj“ d.d. Konjic;
  - Doborovoljno vatrogasno društvo Konjic;
  - Službe zaštite i spašavanja Općine Konjic;
  - Jedinice civilne zaštite (u fazi formiranja);
  - Povjerenici civilne zaštite ;
  - Štabovi civilne zaštite;
  - Operativni centar civilne zaštite Općine Konjic;
  - Sredstva i oprema pravnih lica;
  - Građani.

#### Član 56.

Struktura vatrogasnih snaga iz prethodnog člana Odluke , organizuje se na način obezbjedi sljedeće zadatke u zaštiti od požara:

- potpuna pokrivenost cijelog područja Općine,
- zahtjeve specifičnih vatrogasnih intervencija u objektima stambene i industrijske izgradnje, kao i na prostorima i lokalitetima zaštićenog prirodnog i kulturno-historijskog nasljeđa;
- gašenje šumskih požara i požara na otvorenom prostoru,
- potrebe vatrogasnih intervencija u cestovnom i željezničkom prometu;
- efikasno spašavanje ljudi i materijalnih dobara ugroženih požarom ili eksplozijom;
- spremnost za odgovor i učešće u akcijama zaštite i spašavanja od prirodnih i drugih nesreća.

#### Član 57.

Profesionalna vatrogasna jedinica Općine Konjic na području općine Konjic je snaga prvog odgovora u spašavanju ljudskih života i materijalnih dobara ugroženih požarom i prirodnim i drugim nesrećama.

#### Član 58.

Profesionalna vatrogasna jedinica Općine Konjic, obavlja vatrogasnu djelatnost prema pravilima struke na cijelom području općine Konjic, bez obzira čiji su životi i materijalna dobra ugroženi požarom, eksplozijom i drugom prirodnom ili drugom nesrećom.

#### b) Funkcionisanje vatrogastva

#### Član 59.

Ako se spasilačka intervencija ne može uspješno očekivati s postojećim raspoloživim i angažovanim vatrogasnim snagama Općine, Općinski načelnik ili lice koje on ovlasti, može odmah tražiti pomoć susjednih općina u vatrogasnim snagama.

#### Član 60.

Ukoliko ovlašteni organ sa susjedne općine traži pomoć u vatrogasnim snagama Općine, Općinski načelnik ili lice koje on ovlasti, odlučuje o slanju vatrogasnih jedinica ili njihovih dijelova, na području druge Općine.

#### Član 61.

U Budžetu Općine Konjic i Planom zaštite od požara, se planiraju i obezbjeđuju neophodna finansijska sredstva za neprekidan i neometan rad i funkcionisanje dobrovoljnog vatrogastva, radi izvršavanja njihovih zakonom, propisanih obaveza i zadataka.

#### Član 62.

Dobrovoljno vatrogasno društvo Konjic u svom sastavu obavezno organizuje:

- Dobrovoljnu vatrogasnu jedinicu jačine najmanje jednog voda,
- Vatrogasni podmladak.

#### Član 63.

Udruženje „ Dobrovoljno vatrogasno društvo Konjic“ na poziv starješine vatrogasne jedinice Općine Konjic je dužno da se odazove i odmah izađe na vatrogasnu intervenciju i da postupa po njegovim naredbama i uputama.

Služba za civilnu zaštitu i vatrogastvo Općine Konjic će za potrebe izvođenja obuke i vježbi, te drugih planskih aktivnosti vatrogasnog društva, a na osnovu zahtjeva vatrogasnog društva, odobriti bez naknade korištenje potrebne vatrogasne opreme i tehnike, ukoliko se time ne ugrožavaju redovne aktivnosti Profesionalne vatrogasne jedinice Općine Konjic.

### IV – PROVOĐENJE I NADZOR

#### Član 64.

Nadzor nad primjenom ove Odluke vrše ovlaštene osobe pravnih lica koje upravljaju i gospodare šumama na području Općine Konjic, ovlaštene osobe Službe za civilnu zaštitu i vatrogastvo općine Konjic, Policijska uprava Konjic, a inspeksijski nadzor nad primjenom ove odluke u smislu dojave o nastalom požaru vrši komunalna inspekcija Općine Konjic. Komunalni inspektor će nakon što zaprimi službenu zabilješku od strane službenika MUP-a HNK (PU Konjic), Službe za civilnu zaštitu i vatrogastvo i pravnih lica koje upravljaju i gospodare šumama na području Općine Konjic o svim relevantnim podacima o počiniocu, izdati prekršajni nalog ili pokrenuti prekršajni postupak.

### V – KAZNENE ODREDBE

#### Član 65.

Novčanom kaznom, u iznosu od 1000,00 KM do 5.000,00 KM, kazniti će se za prekršaj pravno lice:

- a) Ako izvodi radove na popravci, rekonstrukciji ili prekopavanju javnih ili drugih vatrogasnih pristupa bez predhodnog obavještenja Službe za civilnu zaštitu i vatrogastvo Općine Konjic (član 7.)
- b) Ako vrši spaljivanje bez pismenog odobrenja nadležne Službe (član 8.)
- c) Ako ne preduzme mjere zaštite propisane u (članu 15.) Odluke
- d) Ako šljaku i pepeo iz industrijskih i drugih kotlovnica i ložišnih uređaja ne odlaže na posebnom, za tu svrhu uređenom mjestu (posude za smeće – kante i kontejneri, jame i deponije), bez predhodno sigurnog gašenja sa vodom (član 50.)

Za prekršaj iz stava 1. ovog člana novčanom kaznom u iznosu od 500,00 do 1000,00 KM kaznit će se odgovorna osoba u pravnom licu.

#### Član 66.

Novčanom kaznom od 400,00 KM do 1.000,00 KM kaznit će se pojedinac za prekršaje kako slijedi:

- a) Ako vrši spaljivanje bez pismenog odobrenja nadležne Službe (član 8.)
- b) Ako baci upaljenu šibicu, opušak ili drugi zapaljivi materijal na otvorenu površinu, osim na mjestima koja utvrdi pravna osoba koja gospodari ili upravlja otvorenim prostorom (član 9.)
- c) Ako vrši spaljivanje u neposrednoj blizini ruba šuma, 15 metara od zgrada, te u trasama elektroenergetskih vodova (član 12.)
- d) Ako ugrožava susjedne ratarske kontrole, usjeve, nasade, vinograde, voćnjake, te odvijanje cestovnog prometa stvaranjem dimne zavjese. Da šteti zdravlju ljudi u naseljenim mjestima i kvalitetu života (član 13)
- e) Ako ne preduzme mjere zaštite propisane u (članu 15.) Odluke

- f) Ukoliko vrši spaljivanje biljnih i drugih tvari u većem obimu i na većim površinama, kojim bi se mogle ugroziti druge površine ili objekti (industrijske građevine, postrojenja, stambeni, gospodarski i drugi objekti, električni i telefonski stubovi i vodovi, saobraćajnice, poljoprivredne i šumske površine i sl.), a da predhodno nije pismenim zahtjevom obavijestio Službu za civilnu zaštitu i vatrogastvo Općine Konjic (član 16.)
- g) Ukoliko napusti mjesto paljenja vatre, a da nije uspio ugasiti na otvorenom prostoru i pregledao ostatke vatre prebacivanjem pepela, polijevanjem vode i primjenom drugih sredstava za gašenje, dok se vatra ne ugasi u potpunosti (član 20.)
- h) Vršiti spaljivanje predmeta od gume, plastike, kože, prerađevina od ulja, maziva, te otpada na bazi hemijskih spojeva koji na bilo koji način utiču ili mogu uticati na zagađenje okoliša i zdravlja ljudi (član 21.)
- i) Ako šljaku i pepeo iz kotlovnica i ložišnih uređaja domaćinstava ne odlaže na posebnom, za tu svrhu uređenom mjestu (posude za smeće – kante i kontejneri, jame i deponije), bez predhodno sigurnog gašenja sa vodom (član 50.)
- j) Ukoliko u tavanskim prostorima, podrumima, hodnicima, stepeništima i drugim sličnim prostorima, drži nepropisno bilo kakve lako zapaljive, eksplozivne i opasne materije (član 51.)

#### Član 67.

Na osnovu učinjenog prekršaja kažnjivog po odredbama člana 65. i 66. ove Odluke, može se od prekršioca naplatiti stvarno prouzrokovana materijalna šteta u skladu sa odredbama pozitivnih propisa, kojima se reguliše naknada štete, a za ostale nepredviđene situacije, primjenjivat će se i drugi pozitivni zakonski propisi, shodno vrsti počinjenog djela.

Za učinjeni prekršaj može se prekršiocu uz novčanu kaznu izreći i zaštitna mjera u skladu sa pozitivnim Zakonom o prekršajima Federacije BiH.

Novčane kazne i naknada štete izrečene i ostvarene po odredbama ove Odluke, prihod su Budžeta Općine Konjic.

### VI – PRELAZNE I ZAVRŠNE ODREDBE

#### Član 68.

Ova Odluka stupa na snagu danom objavljivanja u „Službenom glasniku Općine Konjic“, a objaviti će se na oglasnoj tabli Općine Konjic i na službenoj stranici Općine Konjic.